



## Hoërskool McLachlan

Posbus 3  
Joubertina  
6410



042-273-1335  
042-273-1210  
info@hsmclachlan.co.za  
www.hsmclachlan.co.za

NUUSBRIEF 24/07 2020

Geagte Ouers/Voogde

1. Na aanleiding van die president se aankondiging gisteraand, die volgende reëlings:
  - Die skool sluit vandag vir alle leerders en personeel.
  - Die **graad 12-leerders en alle personeel** begin weer **Maandag, 3 Augustus**. (Dag 1)
  - Die **graad 7-leerders** begin weer **Dinsdag, 11 Augustus**. (Dag 3, groep A)
  - **Alle ander grade** begin **Maandag, 24 Augustus**. (Dag 8, groep B)

U sal van enige veranderinge van datums in kennis gestel word.

Graad 1 tot 6- en 8 tot 11-leerders sal vanaf 11 Augustus weer met aanlynklasse begin OF soos deur klasonderwysers individueel gereël. Alle leerders het reeds werk tot en met 7 Augustus ontvang.

### 2. Finansies:

Dit het ons onder ons aandag gekom dat sommige ouers onder die indruk verkeer dat hulle nie skoolfonds moet betaal vir die tydperk wat kinders nie fisies in die skool is nie. Die leerders ontvang deurentyd aanlynonderrig oor kurrikuluminhoud waarvoor hulle geëksamineer gaan word en wat bepalend gaan wees of hulle die graad gaan slaag, al dan nie. Onderwysers werk hard om leerders by te hou met die inhoud van die kurrikulum.

Volgens die skolewet is ouers verplig om skoolfonds te betaal terwyl hul kinders by HS McLachlan geregistreer is. Ons doen 'n ernstige beroep op ouers om hul finansiële verpligting teenoor die skool na te kom en so te verseker dat ons die deure kan oophou.

Ons wil ons opregte dank en waardering uitspreek teenoor ouers wat selfs te midde van moeilike finansiële omstandighede getrou hul skoolfonds betaal.

Ouers ontvang maandeliks 'n skoolfondsrekening. Aangesien die personeel eers weer op 3 Augustus by die skool is, kan ouers skoolfondsbetalings d.m.v. EFT of 'n deposito by 'n OTM maak.

Bankbesonderhede: ABSA Joubertina

Takkode: 334415

Rekeningnommer: 1970 430047

**Verwysing: Ouer se naam en van  
(Die verwysing is baie belangrik.)**



3. **Bustye:**

Die roetebustye vanaf **Maandag, 3 Augustus, tot Vrydag, 7 Augustus**, is as volg:

Misgund: 07:15

4. **Covid-19:**

**Prosedure voor skool:**

Die skool se hekke word elke oggend om 07:30 oopgesluit en word weer om 08:00 gesluit. Leerders wat na 08:00 by die skool opdaag, moet by die sekretaresse aanmeld.

Die volgende moet asseblief na gekyk word:

- Leerders moet by die hekke wag totdat dit oopgesluit word.
- Handhaaf asseblief die vereiste 1,5 m sosiale afstand aan die buitekant van die hekke.
- Leerders moet asseblief nie dorp toe of na vriende se huise toe gaan nadat hulle by die skool afgelaai is nie.
- Die dra van 'n masker (mond en neus bedek) is verpligtend wanneer leerders buite die hekke wag.

Hoërskool McLachlan was tot dusver baie gelukkig om nog geen positiewe Covid-19-gevalle by die skool te hê nie, òf dat dit nodig was om die skool te sluit nie.

Ek vra asseblief alle ouers en leerders se samewerking in hierdie verband.

**Geen persoon anders as leerders en beamptes (personeel) mag die skoolterrein betree sonder vooraf toestemming van die skoolhoof nie. Ouers moet asseblief die sekretaresse kontak vir 'n afspraak met die skoolhoof en personeel.**

Ouers moet asseblief seker maak dat kinders met die regte maskers skool toe kom. Geen leerder sal op die skoolterrein toegelaat word sonder 'n masker nie. Skoolmaskers is teen R15 by Spektrum te koop.

Alle leerders wat van Hoërskool McLachlan en die Departement van Onderwys se busvervoerdiens gebruik maak, moet op die bus wees met 'n masker.

'n Leerder moet tuis bly indien hy/sy enige van die volgende simptome toon:

- Koors
- Hoes
- Rooi oë
- Asemhalingsprobleme
- Liggaamspyn
- Moegheid of swakheid
- Verlies aan reuk en smaak
- Naarheid
- Braking

Ouers moet die skool dadelik hiervan in kennis stel en 'n kliniek- of doktersertifikaat skool toe stuur.

5. **Grannor Passi-projek:**

Hoërskool McLachlan loods weer in 2020 die Granor Passi-projek. Langkloofprodusente kan vrugte by die sapfabriek onder Hoërskool McLachlan se naam lewer. Die nommer waaronder u dit moet lewer, is **019**. Hierdie is 'n geleentheid vir die boerderygemeenskap om die skool te ondersteun. Ons skool het baie finansiële uitdagings en weet met hierdie projek sal u 'n groot verskil kan maak. Die inkomste van die projek sal direk deur Granor Passi in McLachlan se rekening inbetaal word.

Ons moedig produsente aan om aan hierdie projek deel te neem en sodoende 'n verskil te maak aan ons kinders se toekoms by Hoërskool McLachlan. Die skool is die hart van die gemeenskap en met u bydrae sal ons sy voortbestaan kan verseker.

6. **WEN 'n KIA-PICANTO (2020)-fondsinsamelingsprojek:**

Inbetaling word by die registeronderwysers gedoen. Die laaste datum van inbetaling is **9 Oktober 2020**.

- ✓ U as ouer is verantwoordelik vir die boekie en indien u dit verloor, sal u aanspreeklik gehou word vir die inbetaling van R500.
- ✓ Leerders wat 'n tweede boekie wil verkoop, kan daarvoor vra na die eerste inbetaling.
- ✓ Die wenner van die Kia-Picanto (2020) word in November aangewys.

*S. Pienaar*

S. PIENAAR

Waarnemende Skoolhoof: Hoërskool McLachlan

Posbus 3, Joubertina, 6410

Oos-Kaap, Suid Afrika

Tel: +27 (0) 42 273 1335

Fax: +27 (0) 42 273 1210



INTERNET  
GENERATION



Wireless Internet  
www.igen.co.za

McLachlan Internet Fasiliteit